



"Якинда тонг сахарда Малайзиялик дўстим кўнгирок килиб колди. Рамазон тугаши билан Лондонга бормокчиман. У ерда бирон халол мехмонхона борми, деб сўраб колди" - ёзади журналист Навед Ахтар - "Лондондаги дўстларимдан сўраб-суриштирдим, интернетни изладим, аммо бирон халол мехмонхона топа олмадим".

Навед кейин гўштсиз овкат тайёрланадиган ёвгонхўр мехмонхона топади. Бирок унинг такводор дўсти Ислом шартларини хурмат қиладиган - халол таом пишириладиган, алколгол сотилмайдиган ва муслималар ўзларини бемалол хис қилишлари учун барча шароит яратилган мехмонхона изларди.

"Менинг бу дўстим дунёда тобора сони ошиб бораётган мусулмонлардан бири" - давом этади Навед Ахтар - "У катта шаҳарда яшайди, олий маълумотли, дунё кезган ва кўплаб мамлакатларда қариндошлари бор. Бирок барчалари Ислом дини ахкомлари ва шартларини хурмат қиладиган жойларга боришни исташади".

Бу хали ҳамир учидан патир... Дунё бўйлаб мусулмонлар сони ҳозир қарийб 2 миллиардга яқинлашиб колди. 2025 йилга бориб эса дунёдаги ҳар учинчи инсон мусулмон бўлади.

Кўплаб мусулмон ўлкаларида ўрта табақа ва пулдорлар сони ошиши билан улар саёҳат ҳамда харид учун сарфлаётган пул миқдори ҳам кўпаймоқда.

АҚШдаги Dinar Standard ширкати олиб борган тадқиқотларга кўра, 2011 йил давомида дунё бўйлаб саёҳат қилган мусулмонлар камида 125 миллиард АҚШ доллари сарфлашган. Бу рақам эса вақт сайин ўсиб бораверади.

## Халол атир ва чиннилар

Ақсар мусулмонлар ҳамон Миср, Туркия ва Малайзия каби Исломий мамлакатларга саёҳат қилишни афзал билишмоқда. Сабаби - бу ерларда мусулмонлар талаб-эҳтиёжи инобатга олинади. Бирок Австралия каби ноисломий мамлакатлар ҳам ўзгараётган воқеликни илғаб, ўз тижоратларини мусулмонлар эҳтиёжларига мослай бошлашган. Маълум бўлишича, мусулмонлар одатда катта оила бўлиб саёҳат қилишади ва борган жойларида узок муддат қолишади. Хуллас, ҳеч бир тижорат бундайин фойдали сайёҳлар эҳтиёжини назардан қочири олмайди.

Сўнгги пайтлари нафакат халол таомлар, балки бошқа халол маҳсулотлар ишлаб чиқариш ҳам кўпаймоқда. Масалан, алкоғолсиз атирлар ва тиш пасталари, халол

чиннилар ва ёки кир ювиш кукунлари шулар жумласидан.

Малайзия ва Туркия каби етакчи мусулмон ўлкаларида алалкачон беш юлдузли, Хилол шакли туширилган махсус курорт меҳмонхоналар очилган. Мазкур оромгоҳларда бутунлай мусулмонлар эҳтиёжларига мос дам олиш ташкиллаштирилган.

Кўм-кўк денгизга караган ва сўлим боғлар ичидаги оромгоҳларда муслималар ҳам, оилалари ҳам ўзларини бемалол хис қилишлари учун шароит муҳайё. Хар хонада Куръони Карим, биноларда Маккаю Мукаррамани кўрсатувчи белгилар, емакхоналарда факат халол таом тортилади ва умуман алкоголь ичилмайди.

Оилалар қолувчи виллалар эса ўз чўмилиш хавзасига эга. Унга номахрамнинг кўзи тушмайди. Оромгоҳда масжидлар бор ва кўнгилочар дастурларда очик-сочик ё шахвоний фильмлар намойиш этилмайди.

Рамазон ойи давомида эрталаб огиз ёпиладиган вақтда ҳам, кечки ифторлик маҳалида ҳам махсус буфетлар очилади.

Келажакда эса дунё бўйлаб мусулмонлар эҳтиёжига мос тижоратлар факат кўпайиши кутилади. Чунки тадқиқотларга кўра, хар ўнтадан тўққизта мусулмон бирон нарса харид қилганида, албатта, Ислом қоидаларига қараб иш тутаркан.

Халол маҳсулотлар бозори эса ҳозир йилига 2 триллион долларга етган. Бу рақам эса жадал ўсмоқда.

Манба: Би-Би-Си